

Zeitschrift: L'ami du patois : trimestriel romand
Band: 15 (1987)
Heft: 58

Artikel: La Chinta Katri vè lè patêjan fribordzê dè Vevè
Autor: Chudan, R.
DOI: <https://doi.org/10.5169/seals-241820>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 14.04.2026

ETH-Bibliothek Zürich, E-Periodica, <https://www.e-periodica.ch>

La Chinta Katri

vê lè Patêjan fribordzê dè Vevè

* * * *

Ch'irè chejinta nouthra galéja brechàla din la byoutâ dè chè 25 an! Lêrdjêre kemin na ryondêna, l'ari kudji fére on pâ dè danthe devan ke l'otokâr la yètichè po la portâ ou payi di 13 èthêlè, du la Pyèthe yô lè Venindjà l'an lou fîtha è yô nouthron tan règrètâ Bernâ Remanin l'a tsantâ po le dêri kou nouthr'n'imne "Lè j'armayi di Kolonbètè".

La châva ke chirkulè din lè vènè dè nouthron groupèmin va du chè rachenè lè pye prèvondè, grapiyè doulon dè cha fonda por alâ nuri totè chè brantsè: chè 70 minbro.

E, ha brechàla l'è la chochyètâ di patêjan fribordzê dè Vevè, le "Botyè a Tobi". No l'an batya dè chi non in-omâ-dzo a nouthron poète-èkrivin patêjan gruvèrin Tobi-di-j'èlyudzo.

Fondâye in 1962, ha chochyètâ , môgrâ lè mouâ è lè râre demichyon chè dèvechi dè fîthâ chi kê dè siêkle po ke chin chobrichè din le kâ è la mèmouâre dè tsakon.

Hou ke l'an organijâ ha dzornâye, Médé Hyemin, prèjidan è Dzouârdze Bossel, minbro dou komité, l'an pâ betâ lè dou pi din la mima chôrka.

Na dèlègachyon di patêjan dè Conthey no rèchouê avoui, in tîtha, lou prèjidan è on-iluchte poète-èkrivin valijan, M. Louis Bertouzoz, réjan rètrètâ. Grâthe a là no j'an pu vère du pri è in dedin lè kâvè Provins a Sion. Le chè-là dè chi bi tyinton, in chè mirin din lè vèro, l'a kemin-hyi pê rèdzoyi lè kâ è pu, dènyâ lè linvouè. No chin chayè du inke kemin di vi k'on lâtsè din lè prâ ou mi dè mé.

Pu, no j'an prê le tsemin di Mayin dè Conthey. Ou Kâfé Pyèna Lena no j'an medji na rahyèta, no vo dyin tyè chin, alâdè lê, vo no j'in deri di novalè. Apri chin no j'an j'ou l'okajyon dè fraternijâ avoui lè patêjan dè Conthey.

Ma to prin fin tyè le tsêrpin, kan l'a pri fu l'a pri fin. L'è l'âra dè rèmodâ po Vevè yô na marinda apètechinta no j'è anonhya ou Rèstoran dou Rivâdzo.

Na mache dè j'èmi di chochyètâ chèrè no j'atindon è no

pâchin du l'apèrô ou rèpé.

La parola l'è baya inchuite a nouthron prèjidan kantonal è reman, M. Francis Brodâ, a Mma M.-L. Goumaz, prèjidinta di patêjan dou tyinton dè Vô, a M. Ernest Henchoz de la Munichipalitâ dè Vevè ke no j'ofrè lè vin d'anà è i rèprè-jintin di chochyètâ. No chin j'ou vretâbyamin vouèthâ. Por inretsi chi bi tablô, na chorèprêcha dè vayà: "Lè j'armayi de La Rotse". Pâ nèchechéro dè vo lè prèjintâ, lou rènon l'è fê du li-a grantin, che vo j'i j'ou l'oka-jyon dè lè j'oure, vouthrè kà l'an achurâ frebiyi dè dzou-yo è vo j'i j'ou achurâ lè j'èfrethon avô lè rin. N'in d'a bin kotyè j'on pèrmi no ke l'avan lè lègremè, chin lou rapèlâvè tan dè bi momin pachâ din le payi ke lè j'a yu vinyi ou mondo. Po tsantâ di paryè tsan è lè tsantâ ache bin, fô vinyi du la Grevîre. Bravô a vo ti, brâvo j'armayi, on gran bravô a André Brodâ ke fâ a montâ hou vouè d'andze vè la yê. Intrèmi di mochi dè mujika ke 3 menèthrê l'an dzuyê po fére a veri dzouno è min dzouno, 4 minbro l'an rèchu le diplôme dè minbr' onorêre è dou le titre dè minbre d'anà don le prèjidan.

Di medâyè chon j'ou fête a l'okajyon dè ha fîtha. Le projè l'è dè vouthr'n'inbyo chèrvetâ. Hou medâyè, on pou lè j'avè po le pri dè Fr. 10.- in ch'adrèthin a Dzouârdze Bossel a Vevè.

Dzoua mèmorâbyo a inchkrîre in lètrè d'ouâ din lè j'analè dou "Botyè a Tobi". No poran pâ veri ha pâdze chin adrèhyi nouthrè rêmârhyèmin è nouthrè fèlichitachyon i j'organi-jateu dè chi gran dzoua: Médé Hyemin è Dzouârdze Bossel.

le chekrètéro:

R. Chudan

